

129

31. des.

## L Ö G

um breyting á lögum nr. 75 27. júní 1921, um stimpilgjald.

Vér Christian hinn Tíundi, af guðs náð konungur Íslands og Danmerkur, Vinda og Gauta, hertogi í Slésvík, Holtsetalandi, Stórmæri, Þéttmerski, Láenborg og Aldinborg,

*Gjörum kunnugt:* Alþingi hefir fallizt á lög þessi og Vér staðfest þau með samþykki Voru:

Við 52. gr. Greinin orðist þannig:

Sektir samkvæmt lögum þessum er þó stjórnarráðinu heimilt að lækka, og jafnvel láta þær niður falla, ef sérstakar málsbætur eru, til 1. júlí 1937.

Eftir þessu eiga allir hlutaðeigendur sér að hegða.

*Gjört á Amaliuborg, 31. desember 1935.*

Undir Vor konunglega hönd og innsigli.

**Christian R.**

(L. S.)

*Eysteinn Jónsson.*

130

31. des.

## L Ö G

um breyting á lögum nr. 54 15. júní 1926, um vörutoll.

Vér Christian hinn Tíundi, af guðs náð konungur Íslands og Danmerkur, Vinda og Gauta, hertogi í Slésvík, Holtsetalandi, Stórmæri, Þéttmerski, Láenborg og Aldinborg,

*Gjörum kunnugt:* Alþingi hefir fallizt á lög þessi og Vér staðfest þau með samþykki Voru:

1. gr.

2. töluliður 1. gr. laga nr. 54 15. júní 1926 hljóði svo:

Af akkerisfestum (hlekkjafestum), akkerisvindum, akkerum, baðlyfum, baðmullarfræsoliu (cottonseedoil), barkarlit, bátsuglum (Davider), bifvélum (motorum) heilum og í hlutum, bjarghringum, björgunarbeltum, blásteini, blikki,

blýi, blýlóðum, botnrúllum, botnrúllukeðjum, botnvörpuhlerum og efni í þá, brýnum, bókum prentuðum og ljósprentuðum erlendis fyrir íslenska útgefendur, bandi af íslenskum bókum, sem eru innbundnar erlendis, eldavélum, feitissýrum (fatty acids) til sápugetar, fiskifóðurmjöli, færur, garni til fiskumbúða, gipsi, girðingarnetum, girðingarstólpum úr járn, girðingarvir, glaubersalti, gluggagleri, gólfbræðingi (linotol) og gólfdukkum (linoleum), herfum, hitunartækjum, hjólásam, hjólkjöfum (blökkum), hjólum, húsapappa allskonar, jarðhnetuolíu (groundnutoil), járnbitum og járnbrautarteinum, járngríði, járnþípum, kerrum, kjötfóðurmjöli, kokolit, kokosfeiti (kokosnutoil), korki, kvíslum, köðlum allskonar, körfum til uppskipunar, lausum umbúðum, lóðabelgjum, lóðavindum, litum til málningar (þurrum litum) nema menju, jarðlitum, þurrum, til málningar, melasse, melassemjöli, merkispjöldum, mómýlsnu, netagarni nema hampgarni, netum, olíufatnaði, olíum í tunnum eða dunkum öðrum en steinolíu eða benzíni, pappír og pappa til bókbands, pappír innbundnum og heftum, áprentuðum eyðublöðum, hverskonar sem er, áprentuðum bréfséfnum og umslögum, bréfséfnum og umslögum í öskjum, plógum, rafmagnsvökum, saum, segldúk, skilvindum og öðrum smjörgerðartækjum og ostagerðar, skipaskrúfum (úr járn), skóflum, sláttuvélum og öðrum heyrinnslutækjum, smíðajárn, spöðum og öðrum jarðyrkjuáhöldum, stáli, steinmulningi (terrazzo), striga, strigaábreiðum (Presenninger), stýriskeðjum, söltuðum húðum, tilbúnum seglum, tini, togvindum (trawlwinch), tómun pokum, tómun tunnum, tréolíu (woodoil), þykkri tréolíu (prepared woodoil), tvistúrgangi, vatnhreyfivélum, veiðarfæralásam allskonar, virkköðlum, virtrossum, vélaáburði, vögnum, þakjárn, önglum, öngultaumum, 1 króna af hverjum 50 kg.

### 2. gr.

Á undan næstsíðasta málslið 1. gr. komi ný málsgrein, svo hljóðandi:

Ef vélar, sem eingöngu eru notaðar til innlendrar framleiðslu, eru yfir 1000 kg. að þyngd hver vél, greiðist vörutollur af því, sem er yfir 1000 kg., aðeins með kr. 1.00 af hverjum 50 kg.

### 3. gr.

Næstsíðasti málsliður 1. gr. sömu laga hljóði svo:

Undanþegnar gjaldi þessu eru vörur, sem sérstaklega er lagður tollur á, prentaðar bækur og blöð, með þeim undantekningum, sem getur í 2. tölulið 1. gr., ósmíðað gull og silfur, skip, bátar, tígulsteinar, eldfastir steinar, óhreinsað járn í klumpum, notaðir heimilismunir manna, er flytja vistferlum til landsins og hafa verið minnst eitt ár búsettir erlendis, vanalegur farangur ferðamanna, pappír, sem ekki fellur undir 2. tölulið 1. gr., tilbúin áburðar efni, oliukökur, hey, beitusild, steinlímþípur, leirþípur, sandur og endursendar fiskumbúðir, ennfremur kornvörur. Auk þess eru undanþegnar allar íslenskar vörur, sem endursendar eru til landsins frá útlöndum, ef þær eru endursendar í sömu umbúðum, sem þær voru sendar í burtu, enda sé gjaldheimtu-

- 130** manni rikissjóðs, þar sem heimsend vara er sett á land, afhent vottorð frá toll-  
31. des. gæzlustöð, þar sem varan er flutt á skip til heimsendingar, um að hún sé ís-  
lenzk vara. Notaðir munir, er sendir hafa verið til aðgerðar, endursendar um-  
búðir um útfluttar iðnaðarvörur eru og undanskildar vörutolli.

4. gr.

Lög þessi öðlast þegar gildi.

Eftir þessu eiga allir hlutaðeigendur sér að hegða.

*Gjört á Amaliuborg, 31. desember 1935.*

Undir Vor konunglega hönd og innsigli.

**Christian R.**

(L. S.)

*Eysteinn Jónsson.*

**131**

31. des.

## L Ö G

um breyting á lögum nr. 6 9. jan. 1935, um tekjuskatt og eignarskatt.

Vér Christian hinn Tíundi, af guðs náð konungur Íslands og Danmerkur,  
Vinda og Gauta, hertogi í Slésvík, Holtsetalandi, Stórmæri, Þéttmerski,  
Láenborg og Aldinborg,

*Gjörum kunnugt:* Alþingi hefir fallizt á lög þessi og Vér staðfest þau  
með samþykki Voru:

1. gr.

Síðari málsgr. d-liðs 7. gr. laganna skal orða svo:

Til arðs af verðbréfum (t. d. skuldabréfum og víxlum) teljast afföll af slik-  
um bréfum, og skulu afföllin talin til tekna með hlutfallslegri fjárhæð ár hvert  
eftir árafjölda afborgunartímans, ef afborgunartíminn er skemmri en 5 ár, en  
ef afborgunartíminn er 5 ár eða lengri, skulu afföllin talin til tekna með jöfnum  
fjárhæðum í 5 ár.

2. gr.

Í stað „og hún hefir verið í eign hans skemur en 5 ár, ef um fasteign er að  
ræða, en annars skemur en 3 ár“ í e-lið 7. gr. laganna komi: eða hún hefir verið  
í eign hans skemur en 5 ár, ef um fasteign er að ræða, en annars skemur en 3 ár.

3. gr.

Orðin „dráttarvexti af sköttum eða útsvörum“ í f-lið 10. gr. laganna  
falli burt.